


छवआ मन केर बाइबिल
प्रस्तुत



स्वर्ग ईश्वर केर
सुंदर घर




लिखेख वाला: Edward Hughes
उधारण देवे वाला: Lazarus
Alastair Paterson
उपाय करे वाला: Sarah S.
अर्थ बताएक वाला: Anugrah Stosh Kindo
बनाएक वाला: Bible for Children
www.M1914.org

BFC
PO Box 3
Winnipeg, MB R3C 2G1
Canada


©2020 Bible for Children, Inc.
अनुमति: तौंय इके छाईप सकिसला और दुसर भी बनाएक
सकिसला मागुर वेईच नी सकिसला ।



जेखन यीशु धरती में रहत रहे उ बेरा अपन चेला मन
के स्वर्ग के बारे बताए रहे । उ उके अपन बाप केर घर
कहलक । हुंवा बहुते घर और महल
है । ई महल बहुत बड़का और
सुंदर आहे । स्वर्ग बहुते
बड़का है और धरती
केर कोनो घर से
बहुते बड़ईयां है ।



यीशु कहलक मोयं तोर ले ठाँय बनाएक जाथों । एखन
माँय जाथों और तोहर ले जगह बनाबुं, माँय घुईर आबुं और
तुहिन अपन संगे लेई जबाँ । मोईर के जी ऊईटेक बादे यीशु
स्वर्ग चईल गेलक, जेखन उकर चेला मन देखत राहें, यीशु
उपरे ऊईट गेलक और बदरी
उ मन नजर से
ढाईक देलक ।




ओहे बेर से, इसाई मन यीशु के यईद कराएँ ना, शपत की
माँय घुईरआबुं और लेई जाबुं, यीशु कहलक माँय अचके घुईर
आबुं । जेखन की बहुते मन सोचबाँ नी कईर
होबयं । लेकिन उ मशीह मन कर का
होवी जे मन यीशु केर आवेक से
पहले मोईर गेलाँ । बाइबिल
कहेलक उ मन सीधे
यीशु संगे जाबयँ ।


ईश्वर संगे रहेक




बाइबिल केर आखरी किताब प्रकाशितवाक्य, कतई सुंदर
स्वर्ग आहे सेकर बारे कहेलक । सोभे से बिशेस जीनिस आहे
उ बहुते मुख्या डहर, ईश्वर केर घर स्वर्ग आहे । ईश्वर सोभ
ठावें आहे, लेकुं उकर
सिंहासन स्वर्ग
में आहे ।



स्वर्गदुंत और दुसर स्वर्गीय जीनिस
मन ईश्वर केर स्तुति करैना । सेकर
ले सोभे ईश्वर मनोवा, जे मोरलए
और स्वर्ग जा आहैं, उ मन ईश्वर
केर स्तुति करेक ले विशेष
गीत के गीताएँ
ना स्तुति
करेक ले ।



हियाँ थोड़े गीत कर शब्द आहे जे एगो गीत उ मन
स्वर्ग में गीताएँ ना । ताँय योग्य हेकिस, क्योंकि ताँय
हमीन के छुड़ाले अपन लोहू के केर
कीमत चुकाए के । सोभ जाति और
लोग और ईश्वर केर राज्य ले
हमीन के रजा और
याजक बनाले ।



बाइबिल केर आखरी पना में स्वर्ग के नवा येरूशलेम कईर
के दरशाल आहे । ई बहुते बहुत बड़का आहे । चईरो बाते
बड़का उंचचा दीवार आहे, दीवार बिल्लोर रत्न पखना केर
आहे, यबेस लेखे साफ आहे । दीवार केर नीव के रत्न मणि,
कीमती

पखना
और

चमकदार

उज्जवल

रंग संगे से


ढाईक आहें ।

नगर केर सोभे


दुरा बहुत बड़का

बड़का मोती जाईड़


के बनाल आहे ।




ई सोभे मोती जडल दुऊर कहिवो नी बाँद होवेला । चला
भीतरे जाब और देखब चईरो कोना से ... ओ हो होरे कतई
सुन्दर ! स्वर्ग भीतरे से बहुते सुंदर आहे । नगर पूरा शुद्ध
सोना से, कांच जईसन बनल आहे । डहर हों सोना केर
बनल आहे ।



ईश्वर केर सिंहासन से बहुते सुंदर जीवन देवेक वाला साफ़ पनी बहेला । नदी केर दूईयो बाटे जीवन कर गांछ आहे जे शुरु केर दिना अदन बगीचा में मिळत राहे । ई गांछ बहुते विशेष आहे । ई गांछ में सोभे महिना - महिना रकम - रकम केर फल फलेला । और ई गांछ केर पतई से जाति जाति केर मनोवा चंगाई पवाथर्यै ।



स्वर्ग में इन्जोत ले सुरुज और चाँद केर जरूरत नाखे ।
ईश्वर केर अपन महिमा से अचरज इन्जोत से भईर
जाएला । हुंवा कहियो राइत नी होवी ।



स्वर्ग में जानवर मन भी अलगे होबयं । उ मन सोभे बेरा
संगी नियर रहबयं । शेरनी केर छउवा और भडी केर छउवा
संगे संगे घांस खबयं । बल्कि ताकतवर शेर भूसा के खाई
जईसन की भैंसा खैएला । ईश्वर कहेला, उ मन ना नुकशान
करबयं और ना गिरबयं ।



जैसे हामिन चईरो
बाटे देखिला, हमीन
देखिला की स्वर्ग से
कोनो जीनिस
गायब होई जाए
आहे । कहियो
खिसय वाला
गोटठिया नी
सुनायेला ।
कोइयो
नी लडाई
करेना, केहो
स्वार्थी नहीं ।



हुंवा केकरो घरे दुरा में
ताला लागल नी मिले ला ।
क्योंकि हुवां स्वर्ग में चोर
नाखएं । हुवां केहो
झूट बोलेक वाला
नहीं आहें,
ना हत्या
करेवाला,
ना जादूगर,
ना दुसर
घटिया
मनोवा
मन ।



स्वर्ग में ईश्वर संगे कभियो
भी अंशु नी बही । कोनो
कोनो बेरा ई जीवन में ईश्वर
मनोवा मन कांदेना, का लेकी
बडका दुःख आवे ला । स्वर्ग
में ईश्वर हमीन केर सोभ
आंसू के पोइछ के करी ।




स्वर्ग में हुवां मोरेख नाखे, ईश्वर मनोवा मन प्रभु संगे सोभे
बेरा ले हूँवा रहबैं । हुंवा और दुःख नी होवी ना कन्देक होवी
और ना हुवां कोनो बाटे सरीर में बथी । ना बेमार, ना जुदा
होवेक, ना दफनायेक । सोभे
कोई हुवां ईश्वर संगे
स्वर्ग में खुश रहबैं ।



स्वर्ग (बढ़ेहेक वाला मन लगी) छोड़ा छोड़ी, सोभ ले बहुते बढ़िया आहे । जे मन यीशु उपरे पतियालएँ और अपन तरनहरा मईन लेलें और उकरे आदेश के ईश्वर केर आदेश लेखे मानेना । स्वर्ग में एगो किताब आहे जेके भेड़ी केर जीवन कर किताब कहेना । ईकर में सोभ मनोवा मनक नाम लिखल आहे । का तौय जनिसला की उकर में केकर नाम लिखल आहे ।

उ सोभे मनक जे यीशु केर उपरे पतियालएँ ।

तोर नाम हियाँ आहे का ?



बाइबिल केर आखरी गोईठ स्वर्ग केर बारे में ढेरी सुंदर बात, नेयोता देवेक आहे । “आत्मा और दुल्हन कहेना ‘आवा !’ और उ मन जे ‘आवा!’ कहेक सुनलैएँ । और जे प्यासा आहे उ मन भी आवा और जे भी चाहा ला आवा और जीवन कर जल एसने मुफत में लेवा ।”




स्वर्ग ईश्वर केर सुंदर घर
बाइबिल इश्वर केर वचन कर कथा हेके
ई हमीन के मिलेला

जोहन 14; २ कोरिन्थ 5;
प्रकाशित वाक्य 4, 21, 22

“तोर सुरवाती बतिया इंजोत कर कम करेला.”
भजन संहिता 119:130





सिरालक



ई बाइबिल कथा, अद्भुत ईश्वर के बारे में हमें के बनालक और चाहेला की तोंय उके जान ।

ईश्वर जानेला की हमें गलत कम कईर ही, उ उके पाप कहेला । पाप कर सजा तो मोरेक है, लेकिन ईश्वर तोके बहुते प्रेम करेला, उ अपन एके ठोह छुवा जे रहक सेके भेजलक, “उ यीशु हेके” जे की कुरूस में तोर पाप केर सजा खातिर मोरलाक । और यीशु जीवन में फिर घुईर आलाक और अपन घर स्वर्ग चईल गेलक । येदी तोंय यीशु में पातीयाबे और तोर पाप केर क्षमा मंगबे, तो उ तोके क्षमा कईर देवी । उ आवी और एखन से तोर भीतरे रहेक शुरू करी और तोंय उकर संगे गोटा जींदगी राहबे ।

येदी तोंय पतियाईसला की ई सच्च हेके तो ई तोंय ईश्वर से बोल । दुलार यीशु मोंय पतियाँवना की तोंय ईश्वर हेकिस, और मनोवा बाईन मोर पाप खातिर मोरले, और एखन तोंय फिर से जीन्दा होइजा हीस । दया कईर के मोर जीवन में आव और मोर पाप के क्षमा कईर दे ताकी मोंय अब से नवा जीवन जीबुं, और एक दिना जिन्दगी भईर ले तोर संगे चईल जाबुं । मोके मदत कर तोर वचन के मानेक में ताकि तोर छुवा बाईन के तोर ले जीवन जी सकबुं । आमीन ।

रोईज दिना बाइबिल पाईठ के ईश्वर संगे बतियओ । जोहन 3:16

